

**24 SEPTEMBRIE**  
**RUGACIUNEA 5**  
**SF.CUVIOS**  
**SILUAN ANTONOV**  
**DE LA SF.PANTELIMON-ATHOS**

**Молитва**

Преподобне отче Силуане, источниче слез, текущий в жизнь, ты еще на земли научился еси от Духа Святаго милосердию Христову, еже имаши неотъемлемо и совершенно в Царствии Небеснем.

Помяни убо обетование твое молитися о всем скорбящем роде человечестем. Аще и живущии пред Лицем бога Живаго не могут помышляти земная, вонми въздыханию нашему в час сей, и умоли милостиваго Господа, да ниспослет и нам, погибающим, Духа Утешителя, да разумеем, что есть любви к Богу, и что есть любви к человеку, и вдохновимся силою сея любви последовати Христу аможе аще поидет.

Ей, Силуане блаженне, душа твоя вся в любви есть, сего ради припадаем ти и со слезами вопием: подаждь омраченному уму нашему помысл смирения и умиления, еже никогоже

оскорбляти, но молитися о всех, якоже о себе самех. Вообрази в нас Образ Христов, якоже познал еси Его Духом Святым, и научи нас пути, имже шел еси, пути смиренного плача, покаяния и послушания. Ты бо еси отец наш, и мы чада твоя и овцы двора твоего, аще и недостойнии. Пребуди убо неоступно с нами, наставляя нас на Истину Христову. Стеною молитвы твоя огради Обитель сию и всех живущих в ней, и утверди ю на камени евангельских заповедей, да сподобимся служити непорочно и верно слову и делу твоему. Мир и любовь помози нам обрасти прежде конца, и в час смертный вложи в уста наша молитву сию: «Слава Тебе, Господи, яко ныне иду к Тебе, и имам вечно в мире и любви зрети Лице Твое. Твой тихий, кроткий взор привлече душу мою, и она скучает по тебе; со Отцем и Святым Духом Тебе слава во веки веков. Аминь».